



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Consultationes Theologicæ Et Spirituales Christiani verè fidelis & verè devoti ...**

... De Excellentissimæ Sanctissimæ Virginis Mariæ Matris Dei

**Louis François <d'Argentan>**

**Augustæ Vindel. ; Dilingæ, 1726**

**VD18 80217915**

Artic. V. Uterus sanctissimæ Virginis portantis Jesum dignior erat cœlo  
empyreo.

**urn:nbn:de:hbz:466:1-45581**

## ARGUMENTUM.

*Uterus Sanctissimæ Virginis portantis JESUM  
dignior erat Cælo Empyreo.*

## ARTICULUS V.

**Q**uomodo affirmare hoc potes, interrogabam comitem; videtur id adversari omni bonæ rationi: Siquidem imprimis Cælum Empyreum magnificentum est palatium, ubi Majestas Dei regnat, & dominatur in omni suâ gloriâ. Secundò omnes Angeli, omnesque Beati commorantur ibi, ad glorificandum illum, & decantandum illi laudes in æternum; Et tandem regnare cum Deo in cælo Empyreo, est ultimus spei nostræ scopus ac terminus; quo nihil est dignius, nihil excellentius.

Tres rationes, ob quas uterus Sanctissimæ Virginis, portantis Infantem JESUM, præferri debeat cælo Empyreo.

Verum est, respondit mihi, sed considera, quod Majestas Dei non ita, nec tam magnificè glorificata fuerit in cælo Empyreo, sicut glorificabatur in utero Sanctissimæ Virginis: Pondera bene tres rationes, quas tibi exponam; Et certus sum, inventurum te illas maximi roboris, illasque evidentissimè conclusuras.

Prima est, quòd in cælo Empyreo Deus non recipiat adorationes, laudes, & quoscunque, quibus afficitur, honores, nisi à creaturis; Et quamvis eximie & supràmòdum excellentes hæ sint, cum sint omnes novem Chori Angelo-

rum, cum sint omnes innumeratus Sanctorum atque Sanctorum, cum sint omnes Beati, qui suavissimam modulantur concentum, ad glorificandum illum perfectissimo, quo possibile est illis, modo; nihilominus non sunt, nisi creaturæ; & constat, omnes creaturas, cum infinità ratione sint infra Creatorem suum, idoneas non esse, ut impendant ipsi obsequium, quod infinita ipsius magnitudini sit congruum.

Sed in utero Sanctissimæ Virginis honoratur Deus à Deo ipsi æquali: Siquidem Filius Unigenitus, qui exhibere non potest aliquid obsequium, vel aliquam submissionem Deo, dum est in adorando ipsius sinu (eòquòd inferior non sit Deo patre suo, sed ipsi æqualis in omnibus) eum ob finem transit in uterum divinæ Matris suæ, ut inferiorem se faceret Deo Patre suo, dum factus est Homo, sicque idoneus esset adorare ipsum velut Deum suum, obedire ipsi velut Domino suo, ipsique inservire velut creatura Creatori suo; an æstimari possit, cujus valoris sint omnia obsequia in hoc statu illi ab ipso exhibita? Siquidem cum in profunda humili-



litationis suæ humanæ abyſſo, ſemper divinam ſuam conſervet magnificentiam, quando adorat divinum Patrem ſuum, verum eſt dicere: Deus eſt, qui adorat Deum; quando laudat ipſum; DEUS eſt, qui laudat Deum: Quando ipſum orat, ipſi gratias agit, ipſi obtemperat; Deus eſt, qui orat Deum; Deus eſt, qui agit gratias Deo; Deus eſt, qui obtemperat Deo: Et tandem, quando ſe ſacrificat pro ipſius gloria, ipſique reparationem honoris facit perfectam ac integram, ob omnes injurias per peccata hominum ipſi illatas, verum eſt dicere, quod Deus ſe offerat in ſacrificium Deo, ad ſatisfaciendum juſtitia ipſius in toto rigore.

An univerſum cælum Empyreum reddere poſſit tantum gloria Deo, quantum is recipit ab Homine Deo, quem in ſuo MARIA portat utero? an maxima quæque Angelorum, hominumque, & creaturarum omnium conjuncta ſimul homagia comparati poſſunt homagio omnium minima, quod Creator impendit Creatori? An inſuper poſſet Deus per omnem cuncti potentia ſua amplitudinem, aliud creare cælum (quamvis id locupletaret nobiliſſimis quibusque creaturis, quaſtrahere poſſet è nihilo) quod redderet ipſi tantum honoris, quantum recipit in utero Virginali Matris ſua, quæ procurat ipſi gloria

R. P. Isaac. Conſultat. Tom. III.

riam infinitam, ut Deus ſit Dei ipſius.

Gloriari quidem is poterat, quod eſſet Deus Abraham, Deus Isaac, Deus Jacob, Angelorum, Deus omnium creaturarum; ſed gloriari non poterat, eſſe ſe Deum Filij ſui Unigeniti, eò quod non eſſet nec ipſius ſuperior, nec ipſius Creator, quoad, dum Sanctiſſima Virgo depreſſit Filium infra Patrem, conſpectus ſit Pater infinita ratione tranſcendere Filium, & ipſemet ſallus ſit Filius per os Vatis Regis: *De ventre Matris meæ, Deus meus es tu;* Magna gloria quam procurat Sanctiſſima Virgo Deo Patri.

per quod dicere illi voluit: Non de ventre tuo proprio tu meus es Deus; nam de ventre tuo meus es Pater, & non Deus meus, eò quod non ſis Creator meus, nec Dominus meus. Quid igitur ſit totum cælum Empyreum, ubi Deus non intueret ſe Deum, niſi creaturarum, comparatum cum utero Virgineo MARIE, ubi Deum ſe videt Dei ipſius? Quando aliam mihi non eſſet ratio niſi hæc, nonne evidenter concluderet, quod uterus Sanctiſſimæ Virginis portantis Infantem JESUM dignior ac nobilior ſit cælo Empyreo. Sed ecce tibi ſecundam, quæ non minoris eſt firmitatis ac certitudinis.

2. Et hæc eſt, quod cælum Empyreum ſit quidem Paradifus creaturarum Beatarum, ſed non ſit Paradifus Dei ipſius. Antequam eſſet cælum, vel terra, vel ulla

Gggg crea.



Cœlum  
Empyreum  
est paradisi-  
sus Creatu-  
rarum bea-  
tarum, sed  
non paradisi-  
sus Dei.

creatura, nonne Deus potiebatur  
Paradiso suo in semetipso, per om-  
nem æternitatem suam. Post-  
quam creavit hunc locum delicia-  
rum, ut communicaret gloriam  
suam creaturis suis, factus is est  
paradisus Angelorum & homi-  
num, sed non paradisus DEI; si-  
quidem ipse aliam non habet,  
quàm magnificentum propriæ hæc es-  
sentia palatium: sed incomparabi-  
lis est gloria uteri Sanctissimæ Vir-  
ginis, quâ mirificè attollitur supra  
cœlum Empyreum, eòquod ipsa  
primus sit paradisus DEI, cum in  
ipsâ DEVS-Homo prima vice  
inceperit intueri essentiam DEI, &  
esse Beatus secundum Humanita-  
tem suam, cum essentia divina non-  
dum adhuc fuerit conspecta nisi à  
puris creaturis in cœlo Empyreo.  
Compara modò duos hos inter se  
paradisos, cœlum Empyreum cum  
utero Sanctissimæ Virginis, & vi-  
debis hunc longè excedere & ex-  
cellere alteram, præsertim in tri-  
bus.

Primum est, quod Beatus, quem  
is includit, nobilior absque com-  
paratione sit solus, quàm omnes  
Beati simul in cœlo Empyreo. Se-  
cundum est, quod ipse sit regnum  
Filij Unigeniti, qui non recipit suam  
beatitudinem velut gratiam sibi  
non debitam, sed qui possidet il-  
lam ex jure naturali velut heredi-  
tatem Patris sui; pro eo, quod o-  
mnes Beati in cœlo Empyreo non  
sunt nisi servi, qui recipiunt mer-

Uterus san-  
ctissimæ  
Virginis  
portantis  
Infantem  
Jesum, erat  
paradisus  
superans  
cœlum in-  
ferius.

cedes suas, vel filij adoptivi, qui  
non admittuntur nisi ex gratiâ ad-  
pretiosum hoc bonum, quod pos-  
sidendi nullum ipsis est jus natura-  
le. Et tertium est, quod ipse non  
sit cœlum aliquod insensibile & in-  
animatum, sicut cœlum Empyre-  
um, quod non est nisi corpus abs-  
que animâ; locus deliciarum, quas  
ipsemet gustare non potest, & ha-  
bitaculum quoddam Beatorum,  
abs eo, quod ipsummet sit beatus:  
Sed uterus Sanctissimæ Virginis est  
cœlum animatum cognoscens &  
de gustans felicitatem suam; est  
cœlum, quod cum includat in se  
inexhaustum fontem omnium bo-  
norum tum temporalium, tum æ-  
ternorum, ipsummet haurit cum  
gaudio ex fonte Salvatoris, ex quo  
cœlum Empyreum non hauriet nec  
bibet unquam. Manifestum igitur  
est ex secundâ hæc ratione,  
quod uterus Sanctissimæ Virginis  
portantis Infantem Jesum dignior  
& præstantior sit cœlo Empyreo.

3. Adjungo pro tertiâ & ultimâ  
ratione, quod sit Templum magni-  
ficum, Altare sacratum, & verum  
Oratorium DEI, quod propriè di-  
ci non potest de cœlo Empyreo.  
Quod ipse sit Templum magnifi-  
cum Majestatis DEI, observa, qui-  
nam sit usus Templorum in terris;  
hic nascuntur omnes filij DEI; si-  
quidem extra illa nascuntur filij  
hominum & inimici DEI; hic nu-  
triantur ex propriâ substantiâ DEI,  
quando ad sacram admittuntur sy-  
naxia;

Uterus  
sanctissimæ  
Virginis  
est Tem-  
plum, ab-  
sque  
ratione  
DEI.



nam: hic exhibens supremos honores DEO debitos. Et nonne in utero Sanctissimæ Virginis Filius DEI recipit vitam hanc humanitatis divinam, & divinitatis humanam, quam conservabit in æternum? Ecce igitur dignissimum Filium DEI in Templo hoc natum: Nonne hic ipse nutritus fuit per novem menses, eandem recipiens substantiam, quam nos recipimus ad sacram mensam in sanctâ Communionem? Nōane hic tandem ante omnia ipse reddidit supremos honores DEO debitos tum pro se ipso, tum pro omnibus hominibus. Verum igitur est, quod purissimus Sanctissimæ Virginis uterus verè sit Templum magnificentissimæ Majestatis DEI. Hoc propriè dici non potest de cælo Emphyreo.

Quod verum quoque sit, ipsum esse sacratum Altare DEI, vide, quid sit Altare, nisi sacra quædam mensa, in quâ offertur DEO sacrificium ad impendendum illi supremos honores: Jam sanctus Paulus asserit nobis, quod Verbum Incarnatum non venerit in terras, nisi velut victima Sacrificio deputata, quod ubi primùm ingressus est mundum, dixerit Patri suo: *Ho-*

*stiam & oblationem noluisti, corpus Mebr. 10. autem aptasti mihi; holocaustata V. 4. pro peccato non tibi placuerunt: Tunc dixi, ecce venio: Per quod dicere ipsi voluit: Bene video, quod omnes hostiæ, quas homines tibi hucusque obtulerunt, non fuerint tibi acceptæ, eò quod sufficientes non fuerint ad afficiendum te supremo honore; Corpus autem dedisti mihi, quod offero tibi cum summâ reverentiâ Augustæ Majestati tuæ debitâ, & ut melius devoteam id tibi in Sacrificium, impone illud Altari tuo. Et quod nam erat Altare, in quò oblatum est magnum hoc Sacrificium à primo suo introitu in mundum, nisi uterus Sanctissimæ Virginis MARIE? Verum igitur est, quod castissimus ipse uterus sit Altare sacratum DEI, uti sapius nuncupatur à sanctis Patribus. Jam hoc propriè dici non potest, de cælo Emphyreo, cum in eo non immoletur.*

Quod verum tandem sit, ipsum esse verum Oratorium DEI, prodigia includit magis stupenda, quæ ut melius declarentur, requirunt articulum particularem.

\* \* \*



Gggg 2

ARGU-